

যস্মিন্ শাস্তমতির্ন যাতি নরকং স্বর্গোহপি যচ্চিস্তনে
 বিম্বো যত্র নিবেশিতাঅমনসাং ব্রাহ্মোহপি লোকোহল্লকঃ ।
 মুক্তিং চেতসি যঃ স্থিতোহমলধিয়াং পুংসাং দদাত্যব্যয়ঃ ।
 কিং চিত্রং যদঘং প্রযাতি বিলয়ং তত্রাচ্যুতে কীর্তিতে ॥

যে শ্রীকৃষ্ণে মন অর্পণ করিলে নরকে যাইতে হয় না, যাঁহার চিন্তাকালে স্বর্গও বিম্ব বলিয়া মনে হয়, যাঁহাতে নিবেশিত চিত্ত মানবের সত্যলোকও খুব তুচ্ছ বলিয়া মনে হয়, যে নিঃশলবুদ্ধি মানবগণের চিত্তে অবস্থিত হইয়া যে শ্রীহরি মুক্তিদান করেন, সেই অচ্যুতাত্ম্য শ্রীকৃষ্ণের কীর্তন করিলে যে পাপরাশি নষ্ট হইবে—তাহাতে আর আশ্চর্য্য কি? এই শ্লোকে স্মরণের সমাধি পর্য্যন্ত অবস্থাতেও কৈমুত্য নায়ে শ্রীকীর্তনেরই শ্রেষ্ঠত্ব দেখান হইয়াছে। অতএব দ্বিতীয় স্কন্ধে প্রথম অধ্যায়ে শ্রীশুকমুনি শ্রীমদ্ভাগবত কথা প্রারম্ভে “এতন্নির্ব্বিঘ্নমানানাম্” শ্লোকে বিষয়ী, মুমুক্শু ও মুক্ত মহাপুরুষগণের পক্ষে শ্রীহরিনাম কীর্তনই অকুতোভয় বলিয়া নির্দেশ করিয়াছেন। বৈষ্ণবচিন্তা-মণিতে উল্লেখ আছে—অঘারি শ্রীবিষ্ণুর স্মরণ বহু আয়াসসাধ্য, অর্থাৎ বিবিধ বিষয় হইতে চিত্তসংহরণ করিয়া শ্রীবিষ্ণুতে সংযোগ করিতে হয়। কিন্তু ওষ্ঠ স্পন্দনমাত্রসাধ্য শ্রীকীর্তন স্মরণ হইতেও শ্রেষ্ঠ প্রভাবশালী। অতএব উল্লেখ আছে—যে জন পূর্বে শত শত জন্মে বাসুদেবের অর্চন করিয়াছে, তাহারই মুখে সর্বদা শ্রীহরিনাম বিদ্যমান থাকেন। সর্ব অপরাধকারীও শ্রীহরি আশ্রয়ে মুক্তিলাভ করে, ইত্যাদি নামাপরাধভঞ্জন স্তোত্রেও শ্রীহরিনাম কীর্তনের মহামহিমা বর্ণিত আছেন। অতএব সর্বযুগেই শ্রীমৎকীর্তনের সমানই সামর্থ্য বুঝিতে হইবে। তবে যে কলিযুগে কীর্তনের অতিশয় প্রশংসা করা হইয়াছে, তাহার কারণ, অত্যাশ্রয় যুগে শ্রীভগবান যেমন ধ্যানাদি স্বয়ং আচরণ করিয়া জীবকে শিক্ষা দেন, তেমনভাবে নামকীর্তন আচরণ করিয়া জীবকে শিক্ষা দেন না। কলিযুগে কিন্তু শ্রীভগবান জীবতুর্গতি দর্শন করিয়া স্বয়ংই নাম-কীর্তন করিয়া জীবগণকে নামকীর্তন শিক্ষা দেন। এই অপেক্ষায় কলিযুগে নামকীর্তনের বহুল প্রশংসা করা হইয়াছে। অতএব কলিযুগে যদি অশ্রদ্ধভক্তির অনুষ্ঠান করা কর্তব্য বলিয়া মনে হয়, তাহা হইলে নাম-সঙ্কীর্তন পরিত্যাগ না করিয়া অশ্রদ্ধভক্তি অনুষ্ঠান করা কর্তব্য। এই অভিপ্রায়ে ১১।৫।২৯ শ্লোকে করভাজন যোগীন্দ্র বলিয়াছেন—“যজ্ঞৈঃ সঙ্কীর্তনপ্রায়ৈর্যজ্ঞন্তি হি স্মমেধসঃ”। যাঁহারা স্মমেধা, তাঁহারা সঙ্কীর্তন-প্রধান যজ্ঞে কলিযুগের আরাধ্য শ্রীভগবানকে ভজন করিয়া থাকেন। এই কীর্তনাঙ্গে শ্রীনাম-সঙ্কীর্তন স্বতন্ত্র